



In dumënia ai 18.03.2018 éi gnü organisé da pêrt dl' Uniun dl Sport Amatoriala da La Val la sesta ediziun dla gara de schi alpinism y lüsa sön Armentara, in record de Alexander Ellecosta y Manuel Moling.

L'evënt, che foss gnü tigní l'edema denant, à msé gní spusté a chësta dumënia a gauja de burt tēmp. Tratan che i atlec ê sön trù cun i schi da tourn por la gara tradizionala da Spëscia cina sön Armentara, ê i atlec dla lüsa che se mosorâ sön la bela pista sot la ütia „Ranch da André“, arjignada ca dala seziun lüsa cun l'aiüt dl giat.

Al start dales 10:00 ite a Spëscia se él prejenté plö o manco 20 partezipanc, da chi plö determinà a fà le miù tēmp, a chi che à orü se lascé plö dlaurela y se gode le bel paesaje. Laprò ince na categoria da jì a pé, por chi che á urü sla tó plö cun calma. Le trù dla gara é plö o manco resté chël di agn denant, cun le start sura Spëscia y le travert sò dala ütia „Ranch da André“ sön Armentara, daulache bel dô da 30 menüc é spizurá i atlec plö asvelc. Le miú tēmp dl dé é gnü arjunt da Michael Irsara de Badia, che pó mostré sò le tēmp de 31'42. Laprò él ince gnü premié le tēmp ideal che ti va in chësc ann a Ploner Rinaldo da La Val che cun le tēmp de 46'28.

Grana è ince stada la partezipaziun ala gara dla lüsa tignida nia massa dalunc dla traversd di schi, cun 21 atlec al start. Düc i atlec à podü porvé fora daimprüma la pista, por se studié jò les ôtes strëntes y ciafé confidënza.

Püch dô era spo piada ia, düc i atlec à garejé te trëi manchen. Ala fin cun la soma di tēmps él gnü premié le miú: David Moling fej le tēmp de 1'26.63 y se aiudichëia insciö le pröm post. Pro les ëres él Comploi Valeria che ti l'astíca a dütes cun le tēmp de 1'31.31. Ince pro chësta competiziun él gnü premié le tēmp ideal, che vëgn surandé a Comploi Rosmarie cun le tēmp de 1'53.90.

Bel plan é ince spo les mëses pro ütia che se é implides de jënt, ruvada adalerch da deplö païsc dla Val Badia. Canche düc é rovà sò y s' à metü jò pro mësa, él gnü tigní la Santa Mëssa da Siur Franz Sottara.

Dedô él spo stè vigni atlet che à ciafè val da mangé y da bëre y dales 14:00 ti él gnü surandè da pêrt dl presidënt Alex Alton, Diego Tschaffert, Sara Ellecosta y Othmar Moling i pesc ai atlec

por i miûs tēmps.

Ala fin dla premiaziun ti él ciamò gnü surandé na picera recordanza ala familia Ellecosta y ala familia Moling.

Ince sce le tēmp ne è nia ste ala pert uressen ringrazié düc chi che à daidé organisé l' evënt y düc chi che é gnüs adalerch por stè adüm y a insciö daidé abelì la festa.

Por odëi la tlassifica dla gara de schi alpinism drüca sön chesc linch: [tlassifica](#)

Por odëi la tlassifica dla gara dla lüsa drüca sön chesc linch: [tlassifica](#)









Un'immagine di 00032014 per il più lungo periodo di tempo da un'Alta di Stato. Accanto al tavolo di lavoro, la terza